



Hermannus ex honestissima familia apud Betgas natus est haud procul Colonia. Is cum felici ingenio esset præditus, hinc inde ad Academias peruenit, atque linguarum cognitioni operam dedit. In his quoque adeò profecit, ut Græcis & Latinis literis multis alijs palmam præripuerit. Præterea in Poëtices studio adeò foeliciter est uersatus, ut Psalterium carmine Lyrico reddiderit. Accedebat & naturalis facundia cum prudentia coniuncta. Id quum Carolus Imperator cognouisset, eum ob uirtutes amauit, & inter consiliarios numerauit. Has honorum accessiones Hermannus magna animi moderatione suscepit, atque res suæ fidei commissas egregiè expediuit. Quo factum ut omnibus finitimis plurimum innoterit, & sibi magnam nominis existimationem compararit, idcirco circiter annum millesimum quingentesimum quinquagesimum octauum. Anon.